

■左起：姚焯菲、詹天文與鍾柔美勁歌熱舞，青春逼人。



### 《星星相識》演唱會圓滿落幕

# 4視帝唱「哥哥」

## 爭認頭號粉絲



《星星相識·齊盡興 HAVING FUN TOGETHER 演唱會》日前於澳門倫敦人綜藝館舉行，表演嘉賓位位紅星！4位視帝陳豪、馬國明、譚俊彥和陳展鵬均表示自小已視張國榮（哥哥）為偶像，齊齊爭認做頭號粉絲！



左起：陳展鵬、譚俊彥、陳豪與馬國明都視張國榮為偶像。

■左起：譚輝智、顏米羔、支譽儀、周吉佩與羅啟豪合唱哥哥的經典歌。

當晚表演嘉賓陣容鼎盛，包括胡楓、陳豪、馬國明、譚俊彥、陳展鵬、李思捷、阮兆祥、胡鴻鈞、王灝兒、周吉佩、羅啟豪、姚焯菲、鍾柔美、詹天文等。胡鴻鈞唱《到此一遊》揭開序幕，姚焯菲、鍾柔美和詹天文合唱新歌《CYA》，王灝兒則在男舞蹈員伴舞下唱《愛心灌溉》。

身兼主持的李思捷說：「哥哥嘅經典歌感動每一代樂迷，絕配嘅造型令人永遠難忘……舊年適逢係哥哥逝世20周年，哥哥生前好友陳淑芬女士專誠為佢舉辦一系列紀念活動。今晚一班《中年好聲音》歌手將會藉住呢個舞台演繹哥哥嘅經典金曲。」

### 譚俊彥：哥哥睇住我大

《中年好聲音》歌手周吉佩、羅啟豪、譚輝智和顏米羔唱出多首哥哥的經典快歌，包括《Monica》、《H2O》等，炒熱全場氣氛，他們又與支譽儀合唱《只怕不

再遇上》和《緣份》，又把大家拉到哥哥的經典慢歌世界中。


至於4位視帝陳豪、馬國明、譚俊彥和陳展鵬分享對哥哥的印象，馬國明說：「其實我係張國榮國際歌迷會會員，因為我媽咪好迷佢，所以令我都好迷佢，我媽咪仲改咗英文名 Monica。」展鵬說：「我買第一盒 Casette 帶就係張國榮嘅歌，佢嘅歌到今日仲陪住我，好多時登台我都會唱佢嘅歌，所以我係佢超級 fans。」陳豪說：「我做過哥哥電影《金枝玉葉》嘅茄喱啡，我都好喜歡主題曲《追》。」譚俊彥說：「哥哥睇住我長大，佢永遠都喺我哋心裏。」

當眾星獻唱最後一首歌前，陳淑芬上台說：「好想借呢個機會多謝大家，因為今次紀念展兩度延期，從來冇諗過今晚呢個 Closing Event 能順利完成……」接着所有表演嘉賓、主辦單位及冠名贊助和場地代表，合唱《共同渡過》為演唱會畫上完美句號。

## 張繼聰打波咬傷脗：都係青春印記

熱愛打籃球的張繼聰，獲邀擔任「2024 中國香港國際籃球邀請賽」活動大使。他表示很期待透過今次比賽與各國籃球精英交流，會在 9 月 4 日帶神秘嘉賓隊伍一同參戰，並指活動設有香港學生與海外球隊交流。他憶述以前沒有太多機會接受正規訓練，要在街上打籃球，覺得現今小朋友幸福得多，有很多機會接受訓練，故香港出了很多有實力的籃球隊。

身為「籃球控」的他坦言落場打波必有輸贏及受傷，但最重要是和隊友一起奮鬥，學到堅毅及團隊精神，還有很多做人處世的優秀特質。他說：「我好細個就參加籃球比賽，三十幾歲仲打緊波，十幾年前仍然參加一啲業餘比賽，所以籃球比賽對我嚟講全部都係快樂回憶。最經典一次受傷係咬傷脗去醫院縫針，諗番起都係青春印記。」



■張繼聰是圈中出名的「籃球控」。

## 何晉樂 孫漢霖 滿場飛派心

「聲夢」學員何晉樂、孫漢霖、李茵彤、劉芷君、趙頌宜等早前參與《樂力音樂會 Yes Station School Tour 2023-2024》，有「翻版莫文蔚」之稱的趙頌宜甫出場便引起哄動，以其出色的模仿唱腔，一度令師生誤以為是莫文蔚。

李茵彤和劉芷君緊接出場，劉芷君興奮說：「我哋第一次喺呢個音樂會公開獻唱，好開心可以同同學仔互動。」之後何晉樂與孫漢霖表演，兩人滿場飛與學生們隔空派心心，引得全場瘋狂尖叫。

## 鄭俊弘捱眼瞓撐港隊

以張國榮為主題的音樂劇《為你鍾情》將於 8 月中公演，黃劍文、葉巧琳、鄭俊弘與陳凱彤密鑼緊鼓綵排。黃劍文呻又跳又唱有難度，會努力綵排，盼做到 100 分：「其實有啲歌我都好想唱，例如《有心人》，希望有機會再開 Part 2，到時可以加啲歌入去。」雖然大家忙於綵排，但近日港隊奧運成績斐然，鄭俊弘表示捱眼瞓都要撐港隊：「今日就真係眼瞓嘅，因為尋晚等團困瞓咗後，自己都抖一抖，半夜起身睇張家朗決賽，呢啲歷史時刻係要見證！」



■左起：鄭俊弘、陳凱彤、葉巧琳與黃劍文落力綵排。

■孫漢霖與何晉樂（下圖）深受學生歡迎。

